

漫

谷九

亭

集

漫齋集卷七

壽陽祁騫藻叔穎

古今體詩五十三首

癸未甲申

七月十六日自長沙啟行按試桂陽

連岡翠織成，熨眼亂縱橫。
卷入楚天碧，照來湘水清。
山川隨客遠，風日換秋晴。
記取潭州道，南遊第一程。

舟過耒陽有感

百里才難得，三年卧不妨。
但能平雀鼠，未遽困鸞皇。
水落滄江靜，官閒白日長。
卻悲浣花叟，飄泊客衡湘。
綴學慙無術，移風謬有權。
亦知收藥籠，未免避瓜田。
眾口金能鑠，吾心秤敢偏。
短檠時自照，秋夢落寒氈。

慈輿就養來南遣人往迎漢上喜賦

聞道安輿出太行，此心如雁轉衡陽。喜來不覺詩書卷，思極翻愁道路長。便遣平頭問消息，若爲繞剡說家鄉。嶺梅早晚新花發，擬取南枝上壽觴。

雨中馬射

幾日迎冬雨，新棉替袷衣。草開盤馬出，天遠塞鴻稀。鼓角催猶壯，旌旗溼更飛。路人欵笠看，笑指健兒歸。

十月九日衡陽試訖與客補作重九醉後放歌

重陽無花誰爲歡，對花不飲空長歎。良辰雖過亦可補，花開無計留芳顏。安能眼昏腕脫校文字，令我坐客杯中乾。郴江江水淥如酒，一醉又看衡陽山。張侯遺我十盃菊，感

黃或白花如槃常時爛漫布庭砌強使屈宋排衙官惜哉
此花何遲莫插鬢已過茱萸天有如高人偃蹇與時忤幽
芳獨媚不肯乞人憐鑠闌一月厭朱墨繭絲束縛僵蠶眠
連朝風雨郡齋冷誰道落英不可餐江南邱遲富文藻郝
隆腹笥尤便便其餘諸子競豪爽今我不樂庸非頑菊花
開時作重九此事有例坡公傳何況雙螯落吾手主人爲
客供芳筵酒中似見南山卧醉倒那知東籬偏猛憶前年
宴京國詩囊畫軸羅雲煙井西老人顧而笑手把黃花如
少年而今秋夢落湘水思之不見紉佩蘭衡山山高雁北
去便欲繫爾傳華箋人生有酒及時須行樂君不見明朝
伐鼓長沙船

十一月二十日長沙試訖置酒得樹軒分韻得舍字

卽送郝夢山孝廉

臺魁

歸里

空林黃葉蕭蕭下老屋青燈照寒夜十千沽酒且歡娛一
月論文慙休暇坐中佳士氣如虹雄辨高談意傾瀉人生
聚散等浮雲世路艱辛當餐蔗郭生南去君西歸

時鵝階亦將還

惠州令我持杯誰慰藉瀟湘洞庭多北風安得布帆吹卻卸
君耽奇服事遠遊駿馬金臺幾騰跨獻賦曾誇司馬才冲
霄誰識吳鉤價揭從楚澤拾蘭荃又向龍門問耕稼失意
頻遭燕雀嘲得時會見鷓鴣化可憐羅者望青冥猶執桑
弓思弋射北雁南魚自往來嶽雲湖雨經冬夏長沙卑溼
居大難雲夢遨遊興初罷廢井誰尋太傅祠誅茆莫問騷

人舍悶來弔古心轉紆醉後狂歌醒堪詫歌成四坐配朱
顏添酒回燈月窺榭勸君泥飲莫推辭門外驪駒正催駕
岳州述所見聞示諸生

憶昨過巴陵六月天陰雨肩輿覆稻田衣裳汚泥土日暮
不得息遷延涉水許舟子向我笑得魚長尺五往時插秧
地今日施網罟魚肥猶可賣稻熟亦奚補縣倉不收粟多
錢卽善賈去年鄰邑民輸納闕官府多士亦囂然投筆羣
相侮我聞舟子言歎息首重俯

朝廷念蒸黎水旱聞疾苦小者蠲租稅大者勞賑撫常恐
飢溺心不能周比戶況今大臣法愛民如召杜忍使賦哀
鴻倉皇怨苛虎我來宣

仁風意在安百堵且欲勸青衿絃誦追鄒魯力薄懼不振
龜勉期共努毋令楚騷歌不及辟雍鼓

風雨宿青岡驛再送夢山

北風遞冷入青岡衣袂蕭蕭驛路長一雨有情留客住扁
舟何事送人忙且謀曲彙連牀地況得逍遙古木堂今夜
與君還共醉卧聞征雁去湖湘

腳馬歌效東坡秧馬歌體

巴陵風雨冬淒淒路長徑滑如春泥行人出沒山高底十
步九蹶愁攀躋我有鐵齒一寸齊草履踐之麻繩締以履
爲馬齒爲蹄穩如牛尾踏耜犁肩扛背負手提攜兩腳不
韞色慘悽今年水大田無畦婦寒欲號兒飢啼破窗冷突

空嬰甑側聞郵亭怒馬嘶官家驅我爲犬雞得錢一飽甘
如飭草泥沒髀山徑蹊呼爾腳馬東復西我生與爾長挈
提錦韉玉勒腰金犀鼻息呼吸千虹霓前馬旣蹶後馬擠
天路險絕不可梯不如塗足爲窮黎

十二月二十日岳州試院東堂分韻得岳字

岳陽試院城南隅基址湫溢如村學講堂上下僅尋丈場
屋東西聊掎捩人多屋少坐不足散漫中唐及牆角昨朝
風雪愆試期門外白袍立如鶴可憐寒士衣見肘進退無
計蝸隨鼓雪消臘盡官事閒觴客東堂互商榷因看石壁
舊碑題轉羨泮宮森棟桷時郡學新修邦人重義輕錢刀此地
規模仍簡樸南園使君教可思平江老儒力何卓爾來卉

卷之十
載振文壇安得重新施匠斲

岳郡試院乾隆時郡自平江吳氏學使錢公澧爲文記其

事
方今

文教遠岍嶂片善寸長悉甄擢會看韋布慕薦紳大抵鉛
槩爭懷握萬間廣廈吾所願放眼湖湘觀卓犖便思袖裏
納洞庭定許杯中吸天岳

余旣爲是詩郡中紳士遂重拓試院科試再至爲文勒石並題

堂聯云廣廈千萬間喜風雨庇茲寒士重湖八百里願文章具此大觀

送客長沙城北因遊鐵佛寺一笠亭次秦小峴

瀛先

生舊題韻

閒訪陀羅古佛幢笑看箬笠俯漁疇一亭白處棲殘雪萬
竹青中走大江鐵畫欲樵將斷塢銅鉦初挂未開窗朝來
送客緣何事慙媿疏鐘自在撞

正月十八日長沙登舟阻風

楚南氣候不可說，春雨天寒夏乾熱。今年值閏春事遲，已聽殷雷奮山穴。常人少見固多怪，蜀日居然如粵雪。長沙卑溼吾不嫌，臘酒春燈好時節。堂上老人笑口開，坐中佳士豪情埒。獨憐統羽舞帆檣，三日顛風響鈴鐵。今朝復輿出城西，白浪堆山眼明滅。大官車騎紛若雲，送客郵亭去如瞥。解纜欲行且復休，出門卽住非難別。江間風浪何時無，自笑儒生謀事拙。舟人勸我禱靈宮，洞庭宮在岸東倉卒千求神。豈悅檢書燒燭坐，掩篷且聽湘波繞船鬣。

舟中開印

龍節來南國，烏檣轉北風。三年香案吏，萬里洞庭宮。舟楫

行堪濟江湖鑒此衷沙邊春月白心跡印相同

送賴任之孝廉 大授 歸觀南海

去年雙雁早秋來今日孤飛南海涯青草扁舟吾落手白雲春日爾關懷江邊蘭茝香曾拾袖底星辰氣不埋

任之善星

象占候之術

此去若過清遠峽舊題石壁爲重措

寄郭鵬階孝廉 教堂 惠州次前韻

才送君歸又望來長沙城外卽天涯荆花橘實偏多感海
雨湖風且放懷別取苔碑新墨榻掃除劍匣暗塵埋別來
詩句如相寄冷眼猶能爲爾措

六弟書來問楚南近狀以詩代簡荅之

金臺駿馬長安路鴻雁紛紛日來去寒衾聽雨對眠時烏

帽凌風相送處，榻來悵望楚天長。卻羨燕山是故鄉，遠移
珠樹來南國。欣捧萱華上北堂，北堂鶴髮容顏好，玉笋雕
盤迎歲早。時因作字念官奴，偶值分甘思楚老。書來喜氣
滿門楣，花發丁添慰母慈。穉子之無初，解識大兒竹馬已
能騎。陸家兄弟東西屋，謝氏池塘草春綠。不嫌藩溷賦三
都，還憶石門詩幾幅。聞君讀書秋樹根，差勝遨遊汾水曲。
同舍茂先多異聞，張龍光秀才吾家孔賓有高躅。及泉兄問字那
煩載酒行，險詩便許挑鐙續。監詩問字劇清閒，北寺南谿
共往還。談笑氣吞雲夢澤，卧遊身落洞庭山。洞庭雲夢風
濤汨，聽我從頭爲君述。六月乘輅犯暑來，初秋杖策穿城
出。江流捲地怒雷奔，山勢攔人飛鳥疾。下馬朝過白虎陵

衝煙夜走黃茅驛雲中望岳喜天晴雪後登樓見湖溢半
年足迹幾千里一枕心閒更何日而今春雨逐春風仍泛
扁舟九澧中奉母安仁初願遂離家王粲遠遊同江山文
藻離騷國濂水月巖真道德抱璞荆山未易知鑄銅金馬
難爲式湖上漁人香案仙

皇恩且許住三年與君終踐連牀約且助新詩十樣牋

與洗竹朋

苞

劉醇夫

子修

談嶺南風物

五羊城郭萬花莊雲母屏風牡蠣牆海市人家巢翡翠山
村兒女醉檳榔橫樓蠻榼宵開宴古寺訶林晝納涼偏我
勾留緣太淺荔枝紅過未橙黃

過洞庭西湖二首

自笑氍毹鶴眞成汜汜晷春深小瀼水風急大溶湖

小瀼湖在

沅江大溶湖在安鄉 敲岸天無際驚舟夜自呼鴟夷何處逐青草斷

平蕪

憶昨巴陵郡高樓縱目中兩山晴有雪五渚靜無風恍惚
湘君遇傳聞地道通憑闌正清宴閒卻射蛟弓

漁戶萍居慣洲田草宅多茅蒲存有幾稻蟹種如何欲繪
艱難狀誰憐慷慨歌側聞

恩詔下歡喜涕滂沱

安鄉水災特甚
恩詔蠲租

澧州試院海棠花下歌次東坡定惠院韻

蘭江春暖饒花木香國紛紛憐爾獨口宜鎖院伴清幽肯
逐穠妝門妍俗手植何人護短垣足音幾度覓深谷往年

星使衝寒來雪壓枝梢風破屋豈意看花開若雲恰逢說
士甘於肉烏啼吏散公庭閒門掩苔封生意足乃知倚市
無毛嫫縱不遇人亦貞淑我來青草棹扁舟飲露餐英春
滿腹袖攜湘浦九畹蘭眼飽君山萬竿竹此花西府最繁
昌未與離騷分品目詞人好事辨根蒂徑欲移書檄巴蜀
坐中子雲花戚里一夜鄉心逐飛鵠諸君彩筆寫朝雲更
向眉山徵舊曲百花生日醉休辭鈴索聲聲風雨觸

海棠次諸虎臣

文炳
韵

春陰院靜鎖花天驀眼垂絲喜欲顛燒竹夜添深巷雨煎
茶香助隔牆煙泥他蜀客千回看

蕭子山
蜀人

消我黃州一醉

緣翻憶浮陽城郭外萬株紅雪照山川

盆蕙

一花一幹得來難，幹密花多亦可觀。
詞客惟知惜香草，賞心何處覓真蘭。
小窗盡日春風煖，空谷無人夜雨寒。
擬學靈均栽百畝，他時秋佩訪江干。

三月二十二日發武陵宿桃源

三日雨聲留客住，一朝晴色出城來。
擔頭春筍黃牛角，篙眼新波綠蠟杯。

一曲滄浪怨楚臣，萬株桃樹笑秦人。
屈平醒眼陶公醉，任爾漁郎獨問津。

自桃源縣西南行三十里得秦人洞

晨策辭城闥，谿流翳叢薄。
空濛霧雨深，隱約帆檣泊。
側峯

間橫嶺登降勢聯絡編竹見人家炊煙識墟落岸樹堆綠
叢巖花被朱襮鳴饒耳驟聆問渡心遙度崖開一水喧日
出羣山躍緬思桃源人避世遠樓託洞天空復存津路杳
如昨下馬讀斷碑躡衣步虛閣曲磴仰攀躋飛泉下磅礴
歛然天風來萬竹響幽壑筍高過枿欄葉密勝帷幕我欲
斂石肩雙扉靜無鑰但見遇仙橋難覓盤空索瞿童已飛
去秦人安可作塵心墮鄉縣天籟出鸞鶴蕭侯古仙吏送
我青山郭攝縣令
蕭君昇清談啜苦茗豪興理芑屨方今泰平日
風氣歸渾噩盱盱懷葛民浩浩黃綺樂攬轡謝使君種花
遲後約

桃源道中

小插笆籬護稻秧
毯平鍼短不成行
高田瀑布低田雨
二月農閒四月忙

竹板編牆一局棋
稻塍界水萬烏絲
兒童背網打魚去
驚起春江雙鷺鷺

地僻山幽土俗淳
但完租稅不辭貧
燒香酌酒木居士
課雨占星農丈人

停驂小試午甌茶
韶髮來看夾道譁
野店逢人無市語
落英滿地卽仙家

雨後曉行

一雨春寒甚連山
曉氣清澗流爭路
出崖樹礙雲行草
踏沙泥滑繩牽竹
轎輕只疑鄉國近
走馬趙王城

青山鋪

鳥道上春雲羣山勢糾紛天開蠻世界人祀漢將軍

馬底有伏

波荒谷田廬少勞生婦子勤所期窮巷士二酉訪遺聞

四月七日夜夢授書於濂溪時道州別駕周君

樂清

攝沅陵令適以像示與夢所見符合郡志載崇正書

院祀周程朱張

南軒

先賢今之試院卽書院故址爰

以夢濂名堂且紀以詩

孟夏日庚子校士宿辰陽統如夜鼓中夢侍經帷旁先生
據几坐小子傴僂行仰瞻岸然貌豐頤疏髯蒼自云九十
餘齒髮何堅強授我一卷書副以相人方語訖送公去三
馬驂翱翔以上夢中所見覺來告友朋疑信心旁皇春陵古衣冠

延頸空跂望周侯判道州攝事來沅疆手軸示公像儼與
夢相當再拜驚且喜茲理安可詳惟公實楚產先覺承素
王大哉師道立萬古輝秋陽小子晉鄙人奉使沿湖湘德
薄學不固何以式膠庠變化媿厲之克用柔與剛今人豈
不古習妄將爲常念此教無術日夕慙以惶時恐鄙吝心
致使麾門牆公德及天壤尤戀桑梓鄉神明相爾室望道
敢不寢在昔先民作精思通微茫區區抱寸誠得毋小子
狂寤寐用自儆且以名吾堂

辰陽試院示諸生

郡縣以水名

沅澶辰淑四縣
乾州廳附焉

地爲羣山圍我從武陵來登

陟六昏晝天上望辰陽山峻水益溜里居雜蠻左田隴彌

巖竇其風直而勁其土樸而秀沅澈何彬彬華實日以茂
辰瀘文稍殺乾則隣於陋民勞心思善氣盛戒在門似聞
雀鼠爭鞭朴煩令守吾志在媿厲省身先內疚此郡工最
良榘枘助彫鏤當其運斤時巧欲奪天授神耗竟何成國
奢當思救美哉錦尚綱辱矣璞求售持此告吾徒毋忘士
德舊

雨中講堂望南山

朝見南山雲暮見南山雨雨來山若吞雲去山若吐可憐
青山色顯晦難自主崇朝雨萬物功名不取辰陽乃山
國多石而少土老農嶺上歎欲假愚公斧豈知膚寸雲能
潤萬礎柱我今與山識相喜兩無侮高人雖偃蹇意不厭

官府但惜手拄頤未許屨出戶日長人語靜簷滴漸如縷
坐令青夫容渺渺墮江浦

寄荅程雲芬學使前輩五首

三載同官比雁行兩家卜宅共青楊天教大筆開羅甸我
亦浮查泛水鄉黔楚路通秦郡縣西南夷識漢文章獨慙
翠被無奇服不稱靈均草木香

聞君阻雨鼎州城客館青苔榻下生定向仙源問漁父還
從小西檢書名酈元注水南條合張載銘山蜀道平畢究
采風先我到五溪煙景有誰爭

屈宋遺風託楚詞濂溪教澤至今思參軍但解媿隅語學
士空傳岫嶼碑才大文章妨軋茁年豐市井尙刀錐斲雕

爲樸何容易莫怪楊朱歎路歧

七郡輜軒半載周辰陽風氣逼荒陬論文我已輸前輩導
水君還據上游銅柱山高蠻鼓競竹王廟古杜鵑愁相思
咫尺無由見負爾蘭橈桂楫舟

龍洞鼇磯閱歷親木瓜金筑土風淳先生講學如文黨弟
子通經似尹珍聞道丹砂仙洞古遙憐筆竹瘴雲新烹魚
煩碎君應笑枉卻雙雙遺錦鱗

堂上讀書二首

鑠院沈沈靜官鼓山光落檐日亭午文書了卻力猶努隨
意陳編手摹撫平生笑人錐刺股裘敝金空方閉戶請看
今日東西廡千人沈吟運斤斧亦知勝之良不武堂下斲

輪心正苦

孝先讀書門人誚退之作文國子笑人生好惡那可料漢軍且詫淮陰少焦頭上坐斗酒勞徒薪者誰不獲報暉陽孤桐中琴操中郎得之曩後竈金徽玉軫我所好虛聲肯使齊竽盜

荅周文泉別駕

逢君武溪水

時君攝沅陵令

贈我百篇詩劇邑煩龐令高文逼楚

詞承家心不忝

君以難陰得官

讀史力無遺

判道州時補祀蔡郭二殉難事因讀唐元

史而得之回首春陵道猶聞竹馬嬉

辰陽五日書懷

新息曾通道靈均舊有祠千秋沅水咽五日楚人思絲纒

青菰葉蘭橈畫錦旗漁家還泛泛解唱涉江詞

金匱袖書日薰風

賜葛天

御舟龍尾健宮扇鳳翎圓奉使懷佳節論文媿昔賢

韓文清公

王文成公皆講學於此文清有辰陽端午詩

好將荆楚記寫入

帝京篇

船溪驛館北窗下嘉木蔚然

牆東冬青西梧桐矯若角里揖黃公枇杷若榴植當中平
頭矮腳如雙僮更有紫荆木兩叢老幹倚屋孫枝豐有杖
不扶甘直躬此老倔彊誰與同深山古驛雲冥濛北窗終
日高清風過客高枕耳似聾紅雪滿地林花空時有乳燕

銜殘紅我來屬客開簾櫳舉酒一醉琉璃鍾嗟爾佳植時
不逢屈沱競渡船如龍涉江欲采青夫容

時端陽
後一日

石門塘 芷江縣

石門塘口有人家綠野平疇驛路斜涼霧釀成深樹雨好
山皺出遠天霞連村鼓吹迎新婦近水樓臺簇晚花誰道
蠻鄉風景惡擬圖團扇寄長沙

嗟哉蘇生行效昌黎體

蘇文峻桃源縣武生

嗟哉蘇生六世同居自乃祖玊作室厥初載蕃載育以昌
後嗣濟濟百餘飲食合爨人無私儲祇父恭兄婦順其夫
家有犬與馬共參而同芻在悅不吠在樞不瘖更有乳燕
哺烏瑞筍靈蒲飛翔揜依萃於庭除嗟哉蘇生善畏人譽

縣令聞之嗟且吁上之大官達於

帝都

天子曰俞錫以額書嗟哉蘇生何所居惟桃源之敝廬桃源之民祇父恭兄婦順其夫厥風斯古而式化於蘇至今歌舞之同聲而欲獻越道光四載莫春之初策我使車爰式其閭嗟哉蘇生抱質如愚獎之且懼曰予言之誣予言匪誣稽之史策九世十世繫其人豈無惟爾克繼厥業以懷永圖毋令爾祖旣勤樸斲丹腹弗塗昔秦人子壯分贅商君毒荼爾家遁於桃源世修厥德以艱以劬彼詬誶箕帚而德色耨鋤繫其人豈無嗟哉蘇生世世同居予言匪誣

沅州試院留別諸生

惟楚逼滇黔沅爲西南戶扼要今置郡籌邊昔開府

明萬應間

偏沅巡撫駐沅州

國朝康熙三年移節長沙乾隆元年設沅州府改沅州爲芷江縣合黔陽麻陽二縣隸府治

郵傳日往來夷苗紛參伍往者盤瓠種奮臂運螳斧時際

唐虞盛一勞干羽舞邇來二十年文德格椎魯巖疆刁斗

靜泮水衣冠嫵三邑實鼎峙二廳如車輔

鳳皇晃州二廳附試於沅

山風俗淳多農少商賈書藏雖未富士氣良不侮惟晃乃

新置

嘉慶二十一年割芷江六里地置晃州廳設學

邊隅爭籍土

向在黔省考試居隸晃治者俱

撥歸晃

四海盡庠序斷斷何所苦得毋苑枯集猶賴長官撫

我來告多士杞梓慎所樹古之薦賢者貧視其不取況今

大化洽百室樂安堵年豐禮讓興地僻

恩膏普勗哉帶經鋤南山降時雨

竹朋以詩草見質賦答

一卷新詩當記程某山某水說分明直從珠海天邊路
到桃源洞口行庾嶺寒花應入夢楚江春樹也關情他時
載向篷窗去莫笑歸裘似紙輕

題劉醇夫石寮詩草

壯歲能爲客文章見性情萬言今倚馬五字古長城俠氣
餘燕市鄉心雜楚聲秋風蕪菜美把酒意先傾

夏夜庭砌草深聞蚯蚓吟聲清烈偶檢席上腐談云
蚯蚓與螻蛄同穴鳴者螻蛄非蚯蚓也率筆記之

呂覽紀物候蚓出螻則鳴鳴者以息吹出者以氣行二蟲

穴共處同感而異情世人信抱朴無口能揚聲遂謂蛙鼓
鬧不如蚓笛清豈知槁壤底守默原無爭空庭暑夜靜百
蟲喧嚴更紗幃白鳥聚草砌流螢明側耳不能辨眾響紛
雜呈土狗叫腸斷曲蟾得歌名用諺語感此坐歎息知音良
匪輕

續仇亭集卷八

壽陽祁寯藻叔穎

古今體詩五十九首

甲申
乙酉

沅州望雨

北陸昭昭日南山殷殷雷陰陽仍搏戰川谷恐塵埃思患
天能補平情物不災似聞龍井溢祈禱媿無才

畜水愁山鑿燒田利火咩自安生計拙多幸長官清一雨
羣心待層雲萬里生端居渾不寐數問夜陰晴

蟋蟀吟

納涼坐深夜蟋蟀鳴前除其聲一何繁得意無疾徐坐中
南海客爲我徵蟲書茲蟲性好勝一鳴噤其餘強者據而

處弱者不敢居空山草露中往往獨歛歔豪貴黃金益搜
采窮郊墟忽聞貧家壁孤響清以舒不惜多錢選用博華
堂譽一戰空羣馬再戰走駝驢銅山爲爾徒錦障爲爾儲
可憐長股民爭鬥無時虛雖蒙豢養恩在野心躊躇常時
負盛氣力盡悔計疏語鳥翦其舌山木全其樗顧視牆角
侶歡樂復何如

楚歌行

林鳩呼雨鵲噪晴飛蠅晝集蟲宵征鷓鴣且遭野鴟嚇蜚
蛄翻笑寒蟬清黃鍾輟懸瓦缶裂老驥伏櫪鴛駘鳴慈母
憐女愛及壻小姑忌嫂憎其兄季子敝裘貧婦恥相如駟
馬王孫榮蕭艾塞途香草刈嫫母入室西施行古來千金

市駿骨或以二卵棄干城荆山別者亾姓名抱璞自重時
人輕隨珠燕石各提錦真龍假鳳猶紛爭高堂宴客醉美
酒聽我爲君歌楚聲

曉發黔陽

霧重千林瘴山深一雨秋松棚嵌絕壁石蔓翳飛流村女
銀珠髻蠻童錦布兜怪他閒看客田水早盈溝

靖州試院留別諸生

沅南三百里山水窮楚境十峒開蠻天孤州綴邊景田稀
巖木繁地僻官齋冷下馬詢風俗多士鮮游騁歎息圖志
無灰燼何由整州志以火燬無完本徵文餘斷編汲古失修縷石經
目未窺汗簡心誰領俗書尤紛紜衣冠雜瘤癭豈無野處

秀未免鄉壁遲古來西南夷荒畧遠方屏漢郡牂牁分唐

縣雞翁省宋詔改誠州義取蠻獠靖宋崇甯二年改誠州爲靖州名賢

屢謫居程敦厚魏了翁後先併讀書授生徒講學羅俊穎

至今觀亭月長照鶴山靜宋高宗朝程子山以忤檜謫靖山講學於山麓郡人田氏爲築觀

亭於渠河東理宗時謫魏文靖於靖遺澤在庠序師資亦

教授生徒常以鶴山書院榜其門

云幸我

皇文德敷聲教被谿嶺山苗鼓篋來峒布敏關請會看貢

成均豈復區里井師嚴道自尊民安政無猛董勸媿未能

作歌聊自警

渠陽送竹朋醇夫歸粵東

故國頻年夢他鄉送客心秋風一吹去滄海萬重深佩有

靈均草囊空陸賈金自憐衡浦雁無計逐南禽
舊日浮查路孤帆出嶺雲峽僧曾識我龍吏又逢君紅樹
秋江見青燈夜雨聞蠻鄉樽酒地離思各紛紛

鶴山書院

書院稱四大惟楚有其二嶽麓及石鼓講學醇儒蒞其餘
鼎峙三名與潭湘次城南妙高峯張公盛講肄道州元公
里濂溪今未墜斯皆名勝區英俊接冠屣渠陽界夜郎僻
遠疏文事鶴山舊講堂濟濟生徒萃緬思文靖公直道甘
弃置絳帳開蠻天負笈四方至宕巖侍郎山以程子當門
山得名
落空翠秋江芙蓉老冬嶺松杉穉一破千古荒重訂九經
義文靖著九
經義百卷當時澤畔吟偶作觀亭記邦人頌遺愛程魏

誰其嗣茲功豈不偉化俗良非易絃歌聞武城敢曰牛刀
試爾來青青衿溪峒出幽邃尙惜土音訛更鮮佳書肆子
雲求方言侯芭問奇字勉旃慎勿嬉前賢心所跂

洪江放舟再送竹朋醇夫

夜涼閉官閣初日開林霏風軟水無骨草長山有衣勞人
且斲息游子行將歸把酒問三老得魚何處肥

舟中

麻陽艇子矮窗篷八槳齊搖四面風隱几看山閒著句不
知身在五溪中

大酉山

辰谿

聞道辰陽洞緘藏柱下書空勞八駿負不見兩龍居禹碣

文同古秦灰劫尙餘何由開石室蹤跡或樵漁

仙人磯 瀘溪

枯槎嵌洞壁叢木起樓臺終古留雙鎖無人爲一開劍應
飛羽渡碁定爛柯來欲假梯繩力陰崖有怒雷 峭壁架木
兩層上置
雙鎖昔有人梯山取之聞雷吼乃止又洞壁中有
舟有佛有劍橫木直欄椽如樓閣皆非人力所到

馬希範銅柱

石壁青天柱銅花碧蘚斑遠移交趾界高壓武陵蠻作鎮
南人服論功漢將艱馬流今幾戶秋草滿荒山

惠州歌送醇夫

君向惠州去我爲惠州歌惠州山水國人物英且多人物
英且多況有名賢過白鶴峰前宅一水東西波投詩翟夫

子貴酒林行婆逢竹便敲門遇花卽吟哦至今筆墨在大
字看壁窠邦人重其名珍之如卞和亮非古遺直安令人
咨嗟劉生富文藻至性靡偏頗遠遊燕薊間送我江之沱
兩年今告歸贈子言如何還誦坡公言其言良孔嘉上言
德有鄰下言思無邪

詠懷古跡三首

萬古銘山第一碑授書何事夢元夷字青石赤曾誰見苦
費諸家注釋疑

禹碑

八百平湖一釣洲鴟夷曾此繫扁舟姓名不許黃金鑄底
用磨崖紀勝遊

洞庭釣洲
范蠡石刻

聞道重瞳葬九疑銅碑石碣字多奇精靈曾否山阿翫終

恐機雲笑左思

舜廟

鳳灘

伏波祠廟鳳灘頭
祠下灘聲三疊流
猶有誓蠻銅柱在
勒銘不是漢家侯

茨灘

茨灘灘水似游龍
一線銀濤萬弩衝
最是山僧閒看客
夕波紅處寺樓鐘

閩秋十日抵永順試院

北征四日上灘舟
舊暑新涼逼閩秋
西水自來人自去
亂峯殘照入溪州

蠻荒從古屬羈縻
郡縣羣蒙

大化移

雍正七年土司獻土乃置郡縣

買馬人家今蓋瓦

土司舊令居人只許買馬不許

蓋瓦今弛其禁矣

百年生聚泰平時

土風仍是葛天民莫道文章未致身

永順龍山桑植舉於鄉者甚鮮保靖以邊

號間得中式

萬本試撫銅柱字瓊瑤玉佩彼何人

馬希範銅柱文李宏皋撰

尙有唐人規模

玉屏

山名郡城南

山色壓檐低石罅開田百級梯盡日間雲不

成雨秋堂人靜畫眉啼

山產畫眉

試院西齋和虎臣韵

諸峯羅列儼排衙小歇行滕便作家夜對明河星絡角朝

看晴日樹槎牙豐年有象蠻溪靜深院無人雉堞斜但得

閒時來弄月細傾筒酒吸流霞

筒酒出永順

看山得句呈坐客

屋前見山高屋後見山低山高高插天山低與簷齊開簾
納草樹倚枕來灘谿山靈如厭人終日雲霧迷豈知眉黛
痕欲避無由睽碧紗隔煙語窈窕宜深闔誰云道路阻我
欲從攀躋天風吹雨來秋色不可梯坐聞牆東隅飛轡驂
騶嘶校場在
試院東又見兩廊廡彩筆干虹霓始悟身在官不異
山林棲蠻荒亦可樂賓從時相攜毋令遠客心搔髮思千
篋

景福泉方伯

謙

以祈雨李真人詩見寄賦答

周詩御田祖呂覽紀時雩豐年亦祈禱微義通嗟吁古者
恤民事百神罔不須民欲神必從祝史匪虛諛土龍象厥

形天竄列爲圖或云刑白鷺亦復投虎顧其術頗近誕於
理良不誣當其心誠求意在民困蘇苟有利於民不惜紛
史巫長沙卑溼地厥土惟泥塗比歲屢告豐小旱時無虞
嶽嶽封疆臣允懷民艱劬爲壇日步禱中心鬱以紆俯聽
輿人誦仙李全真軀是能致雲雨輦之來城隅晨祈暮沛
澤四野咸霑濡民曰長官力精神之所孚長官謝未遑曰
惟神持扶端居感夢寐行路騰歡呼史官職載筆采風周
邊區日飽太倉粟所媿求牧芻開函誦君詩持以詔生徒
迺知豈弟心日與吾民俱歲星在荆楚南極拱斗樞坐看
秋大熟秔稻連湘湖

獨坐

繞屋山如碧玉城已涼天氣半陰晴高檐疏雨過無影斷
嶺溼雲行有聲地僻差欣官事減日長轉覺客懷清澧蘭
沅芷都經徧一笑湖南萬里情

溪州銅柱歌

楚王銅柱瘴江邊寶蓋蓮臺九百年亂世文章到蠻洞將
軍勛業繼龍編當時石郎下殿走稱父稱兒事可醜方州
已割晉山河列國猶存唐印綬馬家父子擅英雄邊徼時
論戰伐功聞道夜郎稱大國頓教槃瓠失餘風靜邊刺史
投戈涕不畏天威畏王隸海內空傳生鐵謠蠻中但乞青
銅誓君王一笑許輸誠鑄柱銘功洗甲兵梁苑詞臣爭第
頌唐宮學士盡登瀛抽豪誰是無雙士紫袋金魚人姓李

韓碑柳雅古無論玉佩瓊琚差可擬上稱烈祖漢昭陵鐵
馬金人舊勒銘下頌我王紹武穆神機指畫如風霆二千
餘字書蒼勁七十四人紀名姓碑到蠻荒石洞開凱旋笳
鼓江流競君王從此厭干戈溪女苗童歌舞多八柱沈香
龍繞殿一湖碧月鏡橫波武安建國真草草轉眼羣駒爭
棧阜大彭豪霸五谿蠻千口飄零南夏道敵國樓船破浪
來鐵碑寂寞剩荒苔橫磨萬劍猶無用天策三軍安在哉
豪酋世綰溪州印歷代羈縻惟靜鎮擊鼓椎牛氣益驕錦
袍銀帶恩無吝自從干羽

兩階陳獻土今爲郡縣民衣服雲山都粲粲膠庠俎豆亦
莘莘回看樹柱登壇地萬疊梯田綠鱗次牧兒敲火夜磨

鎌過客尋碑朝搦字北人那識細腰宮秋草斜陽西水東

莫將一片韓陵石錯認千秋馬援銅

石晉時黔南巡內溪州刺史彭士愁引蔣

錦州蠻寇辰澧州楚王馬希範命劉勅廖匡齊帥衡山兵討之士愁遣其子帥諸酋長納溪錦獎三州印請降楚王徙溪州於便地表士愁仍爲溪州刺史自是羣蠻服於楚希範自謂伏波之後以銅五千斤鑄柱高丈二尺入地六尺銘誓狀於上立溪州

邊城秋雨驟寒與客食豆腦感而作詩

豆腦吾鄉味也

古人重豆羹後世傳菽乳遺術始淮南嘉名列食譜百穀

取其精獨此利用腐吾鄉製更奇以酒爲之輔酒烈和以

飴其味雜甘苦滴酥濃不如截玉碎可數名與燕市同京師

豆腐腦製與此異

實則不相祖楚塞秋風深連日苦蠻雨官酒豈

能醉客衣那堪補咄嗟辦此味滿坐相夸詡一碗酖顏頰

兩椀煖肺腑三椀喫不得悵然念鄉土往時榆關下連村
響社鼓盤飧會比鄰泥飲遭田父七年馬頭月夢落湘江
浦豈無蕪豉味柰此藜莧肚縮額飽梁肉抗顏稱官府回
思菜根齧甘與衆草伍餽粥有鼎銘敢忘一命僂

永順試院留別諸生

溪州古蠻荒天險連巴蜀灘聲二百里山力不能束我從
辰水陽來沂北河曲晴天雷電走陰峽星辰浴豈不念險
難願言省風俗土薄稀膏腴民勞澹耆欲其士雖鮮文樸
誠意自足荆山萬琅玕愛此不雕玉有時發光采虹氣儼
上燭蠻煙雜瘴雨皓質終不辱往者荆榛叢繁瓠遺種續
大彭蠡食之長蛇肆其毒茫茫千載中版圖未收錄玉屏

插天青銅柱壓江綠衣服限雲山干戈困蠻觸嗟哉此邦
人天高何處跼

皇朝大底定遐邇

仁風沃朱垠仰南耀黎峒咸內屬遂令五谿地撥雲見晴
旭百年郡縣開萬古冠裳縟宣風慰遠人食德懷舊躅中
州清淑氣磅礴因材篤豫章久偃蹇騅駟老局促斯理恐
未然吾爲多士勗

溪州

人語朱離鳥語織民風錐魯士風恬詩書未解巾箱授魚
稻難求市味兼溪女生來能背籠山丁行處亦腰鎌細思
敢說江灘惡合浦明珠識吏廉

舟下鳳灘

鳳灘灘水秋益壯一灘一丈落天上上猶牽輓下如墜前
船後船不相望我昨七月泝流來歸程豫計心惆悵溪州
苦雨動經旬山徑陡滑穿幽曠平明解纜辭銅柱一葉飛
流送千嶂雷霆倏發蛟龍怒滿坐無言色悽愴艣聲水聲
兩不聞惟見簾窗挂銀浪須臾已覺天地別咫尺莫繪神
靈狀坐中吳楚黔蜀客談笑波濤氣豪放僉云平生未見
此嗟咤紛紛互推讓余亦燕趙慷慨人南遊到海乘秋漲
枯槎一繫西江樹青草重斟洞庭釀有志欲逐溟鵬搏無
才敢恨江魚葬詩成仍寄伏波祠布帆破豕知無恙

清浪灘

沅陵

東西半載走蠻荒刺眼羣山擁劍鋌經過溪州二百里不
妨談笑對清浪

中秋月夜泊舟桃源江上得句寄田季高

伏波祠北水平流兩岸青山一棹收勞我連朝風浪險買
魚沽酒作中秋

香案仙人團扇裁江山愛寫楚王臺何如明月崖前月萬
里秋光落手來

季高曾以穿石山水屬在軒寫之團扇明月崖卽穿石上游

獲嘉盧明府圻新建同山書院以書相示寄荅

中州清淑大河鄉三載鳴琴治具張撫字辛勤民保障規
模久遠吏循良武城自昔聞絃誦文黨他年有講堂要識
使君風化意讀書原不重辭章

君曾修治城垣

入甯鄉縣

濫郭闐城看使車少年贏得路人譽亦知白屋青燈下雪
刺盈頭老著書

常德懷古兼示諸生

軒轅鑄神鼎世遠言多夸假物寓治理吾獨取子華

常德故鼎

州地子華子雖宋人偽託其論黃帝鑄鼎一條以爲古人
萬言足正方士之謬其餘各條亦有可觀詳載四庫全

書總

目采銅鼓神化登山燭幽遐如鼎養百物中實陰陽和

羣龍氣升降帝鄉心所家世人知識卑攀領徒歎嗟至今
弓裘在範物無偏頗服教畏其神豈惟圖姦邪斯言匪曲
言足證傳聞訛鼎州以鼎名取義實同科緬惟古皇化甄
陶此其多巨浸控洞庭長江湖岷嶓滇黔爲外戶荆襄承

餘波山川氣清淑瑰產中州過輶車歲再至問俗以禮羅
美哉冠帶倫翼翼而峩峩四邑登俊穎十室騰絃歌比聞
孝義風閭里相觀摩

鄉有孝義約四禮約見郡志

斯乃

大化敷文德之所加其俗亦云厚吾望良孔奢在銘爲寶
鑑出匣爲太阿首山有洪鑪萬古歆雲霞

今春豐陽試院牆東海棠一株盛開予與幕客頗多
酬唱冬月重來了無詩興將行之夕風寒作雪撫時

寫懷仍用前韵時甲申十一月十九日

回憶看花二月天狂險都爲海棠顛布帆送盡蠻溪水爾
足歸來瘴嶺煙自笑飛鴻無定跡真如野馬與塵緣寒窗
坐聽風梢語明日重湖雪滿川

前詩既就憶去年清明日
靈齋師招同滇生季高園
廬海棠花下飲酒賦詩
伊可懷也再疊前韵

如意門東尺五天
春風鈴索護花顛
宴餘每

賜眞珠酒朝退頻
移寶炬煙青草扁舟
成過客綠雲高閣
記前緣南遊豈少蘭
荃佩未免歸心似百
川

十一月二十一日舟發
澧陽泛洞庭至岳陽水
程八

日得詩八首

九澧揚舫去孤亭
送客開塔灣朝雪集
津市夜鐙來

塔灣津市

皆澧地名美酒金龜換
靈龜平湖鐵笛催
便思凌瀕洞把釣
范

公臺

客有琴書載人疑
水竹居

唐李羣玉澧人有水竹居

日高帆影亂天遠

柳條疏笑語聞三老肥鮮得尺魚晨餐聊倚棹煙火識邨墟

羣川趨匯口東下勢蒼茫岸樹昏鴉滿山樓畫角長撥灰

寒擁絮跳白

捕魚船名

夜鳴榔輪爾漁家樂煙波是故鄉

雲夢連三楚荆襄控上游始知天地大不盡古今愁水落沙痕長風斜帆力邁夕陽無限意斑竹滿汀洲

木筏疑洲穩風檣共鳥閒日光穿凍霧槎路逼銀灣仰見

穹廬蓋真如巨海環兩山浮一葉浩蕩有無間

安鄉百二十里至明

山明山三十里至團山

風雨君山夜寒篷客未眠

團山東北行七十里見君山

水聲落天上人

語亂鐙前誰遣蛟龍怒吾思砥柱堅不須搔首問險阻飽

經年

水宿兼星飯，潯陽望岳陽。接天青草

湖名

遠送客，白鷗忙。柳

井寒仍沸蛟宮夜，有光分明樓上笛。吹雨過帆檣。

聞道湖田熟，何愁輓粟難。豐年人四輔，高卧日三竿。憂樂

心還繫離騷，詠未闌。遙思簪筆侶，披腹獻琅玕。

二十七日洞庭阻風夜次何迪齋韻

遠遊蹤跡託迷陽，放櫂行歌意轉狂。自笑周南漢太史，人
言汾曲晉公行。頻年舟楫重湖慣，一任風濤萬頃茫。賴有
黃柑好春色，與君斟酌話宵長。

澧州試院留別諸生

讀書以明理，匪徒習其文明理。以致用匪徒尊所聞，古人

畊且養一藝三載勤豈不貴多識愛博心轉紛豐陽工誦
讀童子而能軍開口若伏生琅琅見齒齟伸紙試之書淮
別滋紛紜羊質蒙虎皮信美非其羣四十曰強仕吾聞曲
禮云柰何總角卅心爲名利薰得毋父師教治絲使之焚
安鄉有潘叟讀邱索典墳白首窮著書子孫誦清芬觀其
手譔述嘉言意孔殷胡不近取法舍田爲人芸作詩告吾
徒庶幾鼓大昕

潘相號經峯安鄉宿學著書甚富

乙酉元日次高晴舫孝廉渥韻

鬢作長沙客遙辭白馬津湖山助行色風雨戀詩人仙洞
花成綺芳原草似茵莫嗟川路隔猶是故鄉春

壯歲耽奇服頻年事遠遊燕臺幾留滯騷客慣離憂願我

官如寄逢君轄可投枚生工七發談笑使人瘳

次韵邱梅臣

鼎元

初春感懷

悶來始覺酒腸寬況有華燈照夜殘宦味蕭疏知我拙詩
情豪爽似君難騷人自古憐香草博士當年是冷官十載
春風曾共坐未妨仍作布衣看

余與梅臣先後出
申鏡汀先生門下

初春雪夜聞雷簡方冉亭

莖

昨過衡山郡春雷臘已聞

客臘十七日立
春衡州大雷雨

如何卑溼地又

見雪花紛冰雨文堪證露易氣未分仲舒知古事荅問意

殷勤

冉亭爲予徵小正
春秋二條甚悉

連日官齋冷圍鑪坐撥灰有人門外立爲我雪中來

時將
考試

長沙短褐春難禦鋤犁事已催幾回看匕箸不是怯鳴雷

雙江堂上見南山

寶慶試院

萬卷叢中半日閒
戟門鼓吹晝常關
雙江堂上新晴色
畫出西南一角山

寶慶試院示諸生

昭陵迤楚西置郡始南宋名因改元錫地以潛藩重

郡爲宋理

宗潛邸卽位改元寶慶遂以名府

當時正學昌諸儒德邁種茲邦接春陵

比戶習絃誦濂溪導其原朱張後先從流澤在庠序遺言

媿雅頌

郡志多載先儒碑記文字

允矣山川光大哉斯文統使車循南

國采風逮輿衆僉謂杞梓材賢書歲屢貢陽春召我來川

原勞日送濟濟諸生徒翺鴉若鸞鳳觀書喜卓犖馳筆閑

罄控惟名不虛立吾志期實用舍田而芸人受服終爲訟

高才良足倚賢者固屢空陰陰召伯棠毋令尋斧縱郡城有召

伯祠

道州周元公裔孫博士承宗貢生南誥生員岐昌繩

武大文承業手錄公遺書及濂溪志見示敬題簡末

去年沅水逢周侯示公遺像與夢侔濂溪志久苦漫漶眼

澀手疲艱校讎今年寓書黃學博步福教諭名彝許為整次重參

酌黃君亦是道州民搜輯網羅見必灼公德在世化在鄉

詎藉私家攷著作史官載筆職所宜景仰先民心有恪況

復名區近桑梓敢使遺編委風穰博士弟子公裔孫我我

翼翼來吾門手抄書志出相示首尾完備堪討論月巖光

靈在咫尺展卷放悲須眉存山川文物此邦萃金石刻畫

珍瑤琨惟公道大炳宇宙扶桑再見秋陽暎至今微言式
庠序豈惟手澤貽後昆瀟湘三載省風土政拙才疏媿無
補立教方知師道難純心始獲賢才輔食公舊德讀公書
願與諸生紹鄒魯

履齋亭集卷九

壽陽祁篤藻叔穎

古今體詩四十五首 乙酉

四月八日舟過浯溪

浯溪主人王大令手撫石刻會相贈

前年試郴州時祁陽令王遠山遺余浯溪

石兩載湘帆幾千里至今始覽江山勝層巒峭壁窺清漪

岸草汀花鬥明靚山僧導我度香橋一綫飛流下危磴指

云此水卽浯溪雙井三泉源可證

浯溪出縣南五里許三泉嶺雙井北注湘大

唐碑碣森琳琅漫叟遺居但鐘磬遂披榛辭讀磨厓文義

慨慷字嚴正兩京恢復日月新小臣頌禱君王聖元公顏

公皆忠直鉅筆鴻詞寓恭敬後人論古取鑑戒比擬片石

懸秦鏡黃

庭堅山谷米

元章

潘大臨

楊誠齋

有憑弔其餘作者

矜題詠下埋塵土上入雲刻畫滿山無地剩平生好古願

初遂旦夕流觀意難罄唐亭晤臺臺南北倒影湘波天綠

淨巉巖數峰對窳尊想見酡顏助詩興在昔三吾荆美名

自矜獨有誰與競柳州愚溪亦偶然安石爭墩且姑聽徑

思雜草闢書堂況有祁山我同姓

縣以祁山得名

湘江有老漁一篇

魚鷹工捕魚飽食仍求餘漁者射其利視若奇貨居縱之
入洲渚日夕何紛拏下窮百尺潭上出唼菱葉驚鱗無處
避掉尾不敢徐篙師坐鳴榔稻飯香可茹不用施釣餌市
錢常自儲可憐羣魚泣流沫相吸噓湘江有老漁感歎淚

漣如開罾姑舍之顧鷹而歛歔吾日一放爾爾食無多魚
強鷹怒而叫弱者睨只且明知主人意久習難驟除我來
湘江上談者聲軒渠咸笑老翁迂有如芋賦狙意美爲物
忌胡弗反厥初歸來閉窗戶使我心躊躇老翁意良苦所
得不在漁恩怨爾不知敢論毀與譽

未陽舟中玩月

魚鱗擁出爛銀盤天水空明眼界寬千里帆檣來鏡下一
聲鼓吹滿江干酒醒偶聽鄰舟語衣薄渾忘夜露寒爲問
長檠珠翠底夜深曾有幾人看

楊谷醇

兆陸

周蕩田

鳴岐

見和浯溪詩疊韻奉荅

山雲似助詩壇令驅遣煙嵐供持贈綠波如帶更多情宛

轉隨人探幽勝湘中山水天下奇古黛磊落時妝靚興公
刻意賦天台康樂恣游吟石磴乃知文字補化工片語可
作千秋證請看浯溪百尺厓萬本響搗如捶磬雨淋日炙
神力呵鐵畫銀鉤筆鋒正次山遺愛在斯人沉復魯公書
之聖觀者動思三日臥豈惟百拜將誠敬惜哉山僧不解
事苦勸遊人照石鏡繫予訪古有奇僻鑱院深巖廢歌詠
玉琯竹枝舜廟荒綠天蕉葉唐碑剩豈不欲往時難留有
如思飲瓶先罄捫蘿剔蘚眞快事放棹歸來江月淨衆賓
磨研爭疾書只尺煙雲動豪興江山清空我輩閒金石刻
畫前賢競越吟高唱老更道郢曲同工清可聽相期投報
出瓊瑤那事鐫題紀名姓

自衡陽至永興舟行述懷

湘北水漸平衡陽山漸狹扁舟落吾手隨處游淙沿沿波
艣漫搖逆浪篙爭插萬事有難易寸心無贏乏我昨泛瀟
湘南風布帆押路從石鼓轉灘向郴江狎一夜山雨來旗
腳回恰恰舟人袖手坐挂席看搖箒青羅皺長帶綠鏡湛
孤匣梯危林木奮窺險峰巒怯回憶前年秋束馬凌岌棄
左擔肩臂摩累立尻雕壓次且牟觸藩騰擲猿挂峽卽今
夢猶魘欲說氣先呶當時意態盛豈爲威勢憚事過乃知
戒要盟難久敵君看九折阪賢哲有殊業守雌非所甘好
勝終遇劫細思笑昨非平心占先甲中流自在行進退從
吾法

綠天菴

唐僧懷素肄書之所
在零陵縣東里許

釵腳何如屋漏工片言能使慧心通

顏平原與懷素語

平原愛士

千秋少長史齊名一代空春雨自留蕉葉綠秋霜不羨柿

林紅硯池筆冢成惆悵祇有殘碑搨晚風

懷素姓錢氏伯祖惠融禪師學

歐陽詢鄉中呼爲大錢師
小錢師遇魯公書名益震

放魚詩

桂陽山高官舍卑潺湲流水環階墀沈泉穴出勢偪仄跳
珠噴玉成方池方池清淺不盈尺鱗鼃出沒苗蝦隨可憐
此水非江湖大魚安肯來居之打門官吏亟饋食汕汕罩
罩紛離披日以一尾投其中忍饑不烹爲笑嬉連朝晴日
坐池上斗覺萍苒搖淪漪吹花唼葉貼空影見人儻忽驚

相疑桂江北下郴江濶嗟爾在此終胡爲沮淤泥沙雜瓦礫鼎俎暫免出無時豫且結網羨已久鄭僑雖智還遭欺終當送爾入江去萬里一縱揚鱗鬣

郴陽試院雨後梳頭始見二毛感作

時余年三十有三道光五年五

月九日

不用愁吟賈浪仙

賈島詩剃髮鬢無雪去年三十三

樂天心事總陶然

香山

集中多

人言白髮無公道我笑青山似少年愛惜祇妨慈

母見辛勤翻得阿兄憐那知射策儒生苦雪鬢挑燈老案前

大雨

赤日下平地黑雲驅晚雷氣吞檐瓦沒聲捲市樓來信有

蛟龍怒能無暑雨哀夜涼燒燭短夢落洞庭隈

郴州城北又魚亭昌黎詩所謂北湖者也湖久以田

廢刺史曾君

鉅

將謀買田瀆湖復公之舊作詩貽之

何人騎龍游帝鄉日月照耀風雲鵝一朝披鱗落滄海萬
里嶺嶠南天長豐陵紹統紫泥降扁舟斗轉窺衡湘陽山
鳥道賤郴嶺快如脫餌無旁皇當時新命竢州下北湖水
木春波光長船大炬列深夜鱗介出沒跳淋浪唵詩徑投
使君李斫膾更約功曹張州樓豁達宴賓主衆管沸騰羣
奴踰世間萬物貴適用魴鱖貫柳升明堂鬻盤炙酒亦快
事虎來驩去徵何祥高堂千載照流水野稻萬稜浮新秧
但聞薪芻費館候那復紙筆隨舟航名州刺史信好古意

欲疏濬開方塘重臨闌檻置尊酒大書深刻公詩章公詩
慨慷有微意登門濡沫誰能量古之牧者去害馬蛟鱷約
束如驅羊我昨放魚誠小惠蹄涔一勺殊濠梁黃河浪高
蛟龍怒

詔書惻怛憂淮揚安得金堤千里爲宣防

義帝陵

居鄴一言三戶起新城一言重瞳死可憐二老真英雄提
挈項劉如孺子漢誠天授楚天亡大義所存世莫當不然
縞素三軍衆未必烏騅百戰強楚人自古懷忠信涕泣君
臣同一燼角黍蛟龍湘水深荒陵風雨郴山峻茆屋蕭慘
石虎悲攀登猶有牧羊兒但聞東海田橫島不見江南義

帝碑

永州道中得蕭子山孝廉

秀棠

書用香山初到忠州

寄萬州楊使君韻荅之

子山四川
墊江人

酉水來自蜀下會沅與偏君今入蜀去鼓棹峽中天去時

朗陵雪

常德

江樹樓寒煙到家及新歲酒熟春燈然我行湘

上路玩此浯溪涓烹魚得君書談笑如同船上言客無恙

下言楚多賢髯翁信愛才別後心猶憐媿我省風土舟車

年復年徒云拾香草無力障百川感君意氣重一語千流

連早晚金臺下看花春有緣

衡州祈晴

五月二十八日

楚南夏雨稀望歲常憂旱今年五月中塘堰連山滿扁舟

下郴江三日抵衡館坐看檐挂瀑臥聽階鳴織屋瓦漏且
穿牆棘頹更短似聞繞郭田湘流沒町疇陰繁水蟲滋火
伏驕陽嬾鑠闌鬱深湛韋帶曳疏散生徒萬餘人鵠立遭
湔盥方慮民怨咨兼恐士煩懣守令重祈禱奔走勤圭瓚
天高能聽卑誠至遂披款或云老蛟怒幽厓破石卵往往
挾雷霆波濤走平坦吾聞衡山神正直無偏袒祝融駕赤
龍捕捉懾羣誕卽今剗陰霾猶勝嗟早暝神功彌六合收
發時無緩媿乏昌黎文撥雲見晴煖

喜晴

六月一日

連日濃陰雨濯枝青落及榻水盈墀披衣覘見明星爛爲

賦桑田夙駕詩

是日試士以星
言夙駕命題

衡州試訖將爲南岳之遊以詩約客

鑠闡聽鼓厭深沈一笑開門愜素心
九面湘帆重往復三年石鼓兩登臨
禹碑有字曾誰讀鄙酒如波聽客斟
好向祝融最高處坐看海日盪胸襟

楚南科試旣竣感

恩述志五十韵

我生三十三已竊十年祿官職忝清華
文章媿時宿校士隨春官采風越南服
初吟庾嶺梅繼訪楚江竹竭來四五載
使命再三瀆睠茲小草榮獨荷陽春燠
時來物自喜恩重心轉蹙之官百不暇
勤勤問風俗士何由而良俗何由而樸
錮蔽何由祛舊德何由復何由攷文藝
何由理案

牘何以勵廉隅知恥則不辱何以剔蠹奸寡欲則不黷政
何寬不弛法何嚴不酷何如耕者畊除莠庶嘉穀何如牧
者牧去害蕃生畜師儒爲耳目生徒爲心腹心腹之所苦
耳目豈爲逐視聽苟失道心放不可束胥吏如爪牙僮僕
如衣服爪牙偶用之宜令馴而伏衣服常用之毋令狎而
熟守官如守器用志惟專篤挈瓶雖小智不爲彝鼎鬻庖
人治其庖越俎何煩祝代斲者傷手染指者覆餗

朝廷建六卿冢宰秉鈞軸大小量厥才釐然整以肅上陵
下必援外侵中必促所以區區心返觀祇內矚游刃非有
餘臥治非所欲豈不念勞瘁聊以當鞭督人生志有用窮
達安可卜驅馬歷九州抱書坐鄉塾兩端固殊途利濟各

有屬我本繩樞士夢不到華屋

君恩難幸邀母教豈徒勗念此感且懼常恐心欲速吾友
古君子朝夕賴忠告析疑而辨難直道無回曲吾兄篤天
性愛我手與足晨起每戴星夜眠恒秉燭居者侍庭闈行
者勞車軸常恐我有失見聞不忍獨京華寄書來念我如
骨肉鄉里寄書來期我廣教育開函多勸誡欲答鮮休沐
悠悠湘水清嶽嶽衡峯綠高深在我心進退俱吾福三年
今告歸書此復邦族

六月十九日舟過衡山縣尹汪湘筠

影原

招遊南岳

是夕宿上封寺詰朝觀日出遂登祝融峯而還得詩

十二首

七十二峯深停橈試一尋稻黃浮遠色松翠落高陰擁縣
丹青障沿村水石音不辭揮汗走上界足清心

九郡論文罷三年望岳行登臨吾輩事潭水主人情竹馬
能迎客籃輿遂出城谷神如有意雲霧放天晴

寺爲延釐建官如招隱來近山千戶集高殿五雲開

出縣城西

三十里抵山麓永壽司駐巡檢柏葉香成市

每歲七月至十月四方男

岳廟在焉祝一聖寺在岳廟左蓮花石作臺遙思巡狩日藻火衆神陪

女進香者甚衆市多香戶

仰睇峯巒湊幽尋徑路紆居高塵不讓道大谷能虛約畧
譚天柱蒼茫問禹書翻疑九千丈未足盡包儲

綠皺明斜照紅嵌鬥衆芬茆菴煙上出石磴字中分古屋
龍蛇氣空林虎豹羣疏鐘何處發隱隱半天聞

風吼驚穿峽星茫似撒沙碧螢吹影亂朱鳥向人斜下視
江城黑高然火樹華聖鏡如許照此會卽無遮

跌蕩天門闢靈壇位上封

上封寺在祝融峯左古光天壇其下五里爲南天門

夜涼

人語健山靜足音遑仙茗留晨汲僧糧備宿春忽驚窗戶
白寒玉帖東峰

望日臺空濶

在上封東

登高見十洲天開瑪瑙甕

舜置瑪瑙甕於衡山以盛

甘露見拾遺記

山著翠雲裘紫蓋峯如畫朱陵洞尙幽人間苦炎

熱瀟灑此清秋

帝坐通呼吸羣峰拱祝融丹霞猶石室鐵瓦自天風

祝融峯在

上封寺西北里許七十二峰最高處有石室鐵瓦殿石多題名

郡縣參差出心胷浩蕩空

題名吾未暇辭壁看青紅

茲山八百里遠脈溯岷峨五嶺聯縣接三湘迤邐過樹留
虞廟古花落洞庭多聞說棲真侶靈蹤滿澗阿

憶昔華陰道三峯擁客竄當時山岳色祇作畫圖看南國
芙蓉豔西風玉井寒何勞問煨芋領取是閒官

擬築靈岩石聊名沖退園

朱陵洞有
沖退醉石

殘碑注岫嶮廣樂證

軒轅復恐神仙術難爲流俗言此心似回雁南北任飛鸞

淳化鐵柱歌贈王雲榭

楚堂

長沙城北貞觀塔有宋鐵柱如佛幢周圍尺七高丈四重
如百斛龍鼎扛上鑄七百六十字字字深刻陰文誰誰歟
鑄此判官李書者董護藝寡雙道崧李昇鑄經字姓名歷
歷無紛囋紀年淳化改元始庚寅歲符靈均降從來金石

未著錄摭拾香草遺蘭汪廉察梁公偶得之手撫萬本傳
中邦鐵花黯澹有剝蝕銀鉤瘦硬疑錚挺斷琴瘞土萬紋
裂古鼎躍水千濤淙遂使聲光埒潭帖朝捶暮杵同鐘撞
繁余載筆周楚甸溪州銅柱曾維樁其文鋪張侈而豔書
雖未稱氣則龐歸來片紙壓船腹酉水不敢奔怒瀧今朝
送客湘春門稽首鐵佛花明釭道旁浮圖偶登眺見此驚
喜愁目眺滇南方伯信好古良工妙搨能尋橦坐見煙雲
落魚網鳳皇翻翼蟬窺窗官齋案牘少清暇空谷幾聽足
音楚賓鴻客燕笑相語更尋岳麓涉重江

時雲樹遷任雲南余亦早晚渡

代約卸篆後同爲岳麓之遊

神木鐵舖一詠

神木神木堂西廂槐身楮葉森抱藏中有赤心迎朝陽朱
衣導從倏來去云是韓公神所據三年借爾陰清風下無
蒼鼠上無蟲

鐵舖鐵舖門兩腋腹奄脣厚徑五尺雨痕黓綠土花赤伊
誰鎔鑄誰轉移云是韓公飲馬池三年借爾鑑容止此中
止注湘江水

韓女雙貞詩

韓貞女夫婦不同生姊妹甘同死死節亦良難何況白首
孤貞完孤貞亦良苦何況雙雙垂繡戶繡戶雙垂共一家
女貞樹老依荆花堵氏子李氏子生不並蒂死連理母有
女姑有婦身雖未亡夫有偶東鄰有節婦爲夫事庭幃西

鄰有孝女爲親理裳衣東鄰西鄰節孝多一時齊羨韓家
娥韓家雙娥無所羨鏡破釵分心百鍊上供甘旨下鍼線
六七十年如過電鄉里感其貞歌謳達簪纓大官表其貞
扁榜輝門庭輜軒使者慕其貞采詩將爲彤管榮高坊大
表樹城郭鼓鑄淳風化澆薄君不見王孫婦

詔語哀矜動朝右金枝玉葉冰雪姿

天上奇節人間稀

近聞邸抄成郡王子載鍾病故其妻關氏未經過門情願守節蒙 時旨旌表

豈有寒閨雙壁影落湘江湄

謁蔡忠烈公墓

諱道憲死張獻忠之難

黃虎渡江飛食肉黃鶴樓頭鬼夜哭洞庭波起秋風號鐵
騎直踏湘江濤可憐彈丸長沙子撫軍鼠竄藩王徙賊人

但知蔡推官士卒惟呼蔡司理公眞健者能爲民登陣一
射羣狐奔回頭霹靂失驚叫白馬書生正年少當時畫策
守岳陽輔車唇齒或不亡面據重湖背岳嶺上游氣足吞
荆襄城中尚有十萬戶幕下猛士多慨慷首尾相援勢聯
絡何事區區扼羅塘聚奎小兒駭且汗先民詭敗尤堪歎
半夜天車落將星一朝衣血蒙奇難昭昭白日炳丹心鬱
鬱君門萬里深天子猶爲下殿走小臣何惜夜臺沈豐碑
百尺褒忠烈五十六字

天章揭

乾隆時
褒嘉勒石祠墓

御製詩
屈賈祠邊墓草香醴陵坡下松

濤咽張長李短何足數南有長沙北甯武君不見部下從
容死九人至今人比周將軍

留別楚南諸生四首

軫車天遠戴星來，衡岳秋高逐雁回。
正則遺風終古在，扶輿佳氣

聖朝開遨遊，三載誠多幸。
磨勵羣英媿不才，滿眼湖山盡
堪戀。就中難別士奇瑰。

從來嘉植出蓬蒿，敢道樞樞少俊髦。
博物豈惟讀墳典，窮居安肯競錐刀。
甘棠聽罷人無訟，白雪歌成曲自高。
要使儒風歸簡樸，莫將雕刻荅

鈞陶

幾經雪案更螢囊，辛苦誰能棄一長。
營浦月巖真道德，蠻溪銅柱亦文章。
但令舊井存修綆，會見滄瀛有巨航。
鐘鼓

靈臺

聲教遠試裁楚竹和歸昌

俎豆莘莘屬禮羅
軒采采徧巖阿
亦知九畹滋蘭富
其柰空山抱璞多
磊落未銷長劍氣
激昂聊發短檠歌
相期努力崇明德

盛世權衡道不頗

火把行

荒邨月黑無更鼓
睽睽繁星夜當午
十里郵亭老鋪司
短燈明滅穿窗戶
何處官人躍馬來
打門索炬怒如雷
紗籠蠟泪堆紅玉
瓦竈炊煙剩墨灰
山園種竹無多畝
畫縛宵然不離手
常時祇照羽書飛
此日都隨火城走
洞庭估客

艤重湖舫篋探囊旅夜孤官騎驍騰有如此爲同餘燄燭
荏苒

岳陽樓述懷

危闌百尺壓洪流千里荆襄控上游天爲湖山能擇地人
將憂樂付登樓鯨鯢出沒隨行舶原隰蒼茫雜釣洲灑澹
沈菑吾輩事九歌未暇畔牢愁

臨湘雲溪驛路有書生徐世傑者投書行輿以詩文
相質年二十許殆磊落不羈士也停輿見之諭以道
義而去

曉發雲溪驛書生扣馬來竟無荆璞恨獨抱楚狂哀陌路
猶知己文章亦雋才三年拾香草媿爾尙塵埃

臘三日大雪港口萬年菴歇心處次舊韵

豈有心能歇都緣地不喧往時山翠滴歸路雪花翻緩急
關民事辛劬念母恩圍鑪聊一飯光景似柴門

漢上與三兄別

君來侍母楚江濱我駕鋒車四出巡試問倭遲周道客何
如鞠脰奉觴人每書舉燭箴規切相約銜杯宴樂頻可惜
對牀纔幾日臨歧分手又霑巾

江漢風高雁陣寒晴川草樹接天寬大隄爭唱襄陽樂高
臥誰論蜀道難

兄泝流上襄陽取道樊城

歸去兒童添笑語別來弟妹

異悲懽遙知相憶成惆悵不獨吟詩感月圓

邯鄲客館憶六弟

十載粉榆隔三冬驛路長艱難憑弱弟辛苦累高堂節物
經年變風塵送客忙挑鐙思見汝無意夢黃梁

宦味憐予拙歸途念母慈無方能縮地所媿不知醫雨雪

春來少江湖雁到遲天涯共明月弦豎各相期

時六弟迎候於樂城

計上元可相見